

Bosh vazir lavozimiga Abdulla Aripov nomzodi taklif qilindi



O'zLiDeP Prezidentga Abdulla Aripov nomzodini bosh vazir lavozimiga ko'rib chiqish uchun taqdim etdi.

Tadbirkorlar va ishbilarmonlar harakati — O'zbekiston Liberal-demokratik partiyasi Siyosiy Kengashi 12-dekabr kuni bo'lib o'tgan majlisda Prezidentga Abdulla Nigmatovich Aripov nomzodini mamlakat bosh vaziri lavozimiga ko'rib chiqish uchun taqdim etish to'g'risida qaror qabul qildi. Bu haqda partiya matbuot xizmati [xabar qildi](#).

Majlisda Abdulla Aripovning mamlakatda amalga oshirilayotgan islohotlarning muvaffaqiyati uchun mas'uliyatni to'la zimmasiga olishga qodir, tashabbuskor va talabchan, yangilikka intiluvchan, jonkuyar va vatanparvar, quyidan yuqorigacha bo'lган barcha bo'g'indagi ijro organlarini boshqarishda yetarli tajriba va salohiyatga ega bo'lган fidoyi inson ekani ta'kidlandi.



Konstitutsiyaga muvofiq, O'zbekiston bosh vaziri nomzodi O'zbekiston Oliy Majlisining Qonunchilik palatasiga saylovda eng ko'p deputatlik o'rinalarini olgan siyosiy partiya

tomonidan O'zbekiston Prezidentiga ko'rib chiqish uchun taqdim etiladi.

Eslatib o'tamiz, Abdulla Aripov (1961-yilda tug'ilgan) Prezident v. b. Shavkat Mirziyoyevning sentyabrdagi qarori bilan Vazirlar Mahkamasida Yoshlar siyosati, madaniyat, axborot tizimlari va telekommunikatsiyalari masalalari kompleksi rahbari etib tayinlangan edi.

Ungacha 10 yildan ziyodroq muddat davomida — 2002-yil mayidan 2012-yil avgustiga qadar bosh vazir o'rinosari lavozimida faoliyat olib borgan. Bir vaqtning o'zida 2005?2009-yillarda O'zbekiston aloqa va axborotlashtirish agentligini boshqargan.